


唐先生文集

一



據中國國家圖書館藏宋刻
本影印原書版框高十九釐
米寬十三·四釐米

眉山唐先生文集序

奉議郎太府寺丞鄭

總

卷之六

君子所貴於文者以與道俱而已詩以導志書以導事春秋以導名分易以導陰陽此之謂道易順而書險詩葩而春秋質書之全經不用也字而詩後須韻以成章此之謂文文非道無以立訓而垂世道非文無以示人而行遠堯舜禹湯周孔孟氏皆明道立訓之文雖秦火洞然傳之不絕其後揚雄韓柳之徒復筆書七人柳雖少時嗜進不擇所附以至於儼然能

知贖咎前非其文攻砭世育有補教化故卒

道也

工或道有不足其文僅能給用非亦然有

餘

立自著則雖聞於一時亦不傳於後世然

則文之與道如耳有聰目有明血有氣形有神要之不可斯須違離然後盡善此學者所當知也眉山唐先生名庚字子西政和中謫官嶺南余邂逅識之往來相好也其文實與道俱觀其文則其為人不論可知屬意遣詞必存藥石之道或以箴世或以日明體高而妙詞嚴以精或者以為殆近短澁非也以予觀之正如萬頃之瀾浩然東下崩騰曲折盡水之變終而覆之纒數百言爾此其所以為奇天人談妙於元珠四老并基於一橋可謂小乎其肯中如此使據之

世則善然自謫而衰連蹇以至於死有志之士所爲
哀之韓退之謂柳子厚斥不以窮不極其文學詞意
必不能自以力傳於後使子厚得所願爲將相於一
時以彼易此孰得孰失必有能辨之者子西謫言七
年詩文益多而工其得失蓋類子厚余始疑近古以
來文字有傳皆湏科名之崇爵位之顯或大人先生
能輕重人爲世所信者稱之其勢足以相因而後傳
如子西則不待三者惟太學之士得其文甲乙相傳
愛而錄之愛之多而不勝錄也鬻書之家遂丐其本
而言工方留意於時學萬音同律始得爲醇佗文
若不用不足愛迺今不然嗟乎文章果天下公器

先生集卷之六

二

仁華

子西 豪傑之士太學誠賢士之關哉子西與余俱
喜詞章山川遠阻則寄語酬唱樽酒會面則論文入
微又同好世出世間法余嘗謂子西金屑雖貴着眼
成疾文章習氣盍痛掃除雕琢肝腎徒勞人耳子西
戲荅曰吾寧盡此生筆硯間寂然之樂俟來世尚未
晚也坐客嗑然而笑嗚呼行成于思業精于勤用志
不分廼凝於神子西文章博雅超詣執神之機爲是
故也學者有意於傳則以先生爲法宣和四年五月一
日序

弟

庚

予兄子西自韶亂學爲文出言已驚人如賦明妃曲

題醉仙崖什上任德翁序之類時年方十四五老師
匠手見之無不褫魄落膽及入官以來所著愈多至
被謫南遷其文益工然隨作隨散不復留藁故今所
存者極少比見京師刊行者止載額外所述又多舛
謬失真害理恐誤學者觀省而不能以傳諸永久因
併取其少年時所爲文隨卷附之庶以廣其傳去昔
昌黎文公集其子壻李漢編而序之杜子美詩故相
呂公微仲爲作年譜予於兄手足之愛親炙最久其
編次之意發揮之功庶或幾於二子焉若夫子西之
文名播天下爲搢紳之所歆慕至其撰著有先後所
造有淺深則覽者當自辨固不待予言而後知也宣

和四年六月 日序

溫陵呂

榮義 德修

近世以文集顯於時者文忠公有六一居士集舒王
有臨川先生集參政呂公有觀文集丞相張公有無
盡居士集蓋其文如是其官如是雖樵夫野老市井
庸人皆能道其姓字而樂誦之故言之易以信而傳
之易以廣其勢然也乃若有其官而文不顯有其文
而官不顯二者不可兼故其傳之誠難若唐先生者
所謂有其文而官不顯者也先生名庚字子西眉州
眉山人也紹聖中以進士中第爲州縣官至大觀始
入爲博士士大夫稍道其文而世亦未盡知之政和

初謫居海表流離困苦蓋六年而不返然身益窮而
文益富也其後歸京師僦居于景德寺予時與先生
比舍而日得見先生之所爲文頗多嘗請其本以傳
而先生辭曰予以是得名亦以是得謗可一覽而足
何必丐而去也於是不果傳焉退復私念曰先生之
文金玉也雖閉藏埋沒不求聞知然氣焰光彩久而
必見於世蓋所謂不待官而後顯也已昔屈原以離
騷顯陶潛以歸去來顯盧仝以茶歌顯顧當時達官
豈無其人而三子獨得顯於世豈非以其文乎今先
生之文予知其不久而遂顯也先生死不一年果有橐
其文以來京師者而太學之士日傳千百本而未已

然惜其所傳者止此今始叙而藏之庶幾佗日必有得
其字本者宣和四年八月十五日序

眉山唐先生文集序

眉山唐先生文集目錄

第一卷

賦

南征賦

省愆賦

古體詩

內前行

長沙示甥郭聖俞

張曲江鐵像詩

湖上

雙榕

二六十一卷

大熟行

延兒歌

蜜果

圓蛤

白小

瘡疾寄示聖俞

示蚤

夢泉并序

鳴鵲行

採藥行贈梅蟠

鍾潭行



取水行

採藤曲効王建體

冬雷行

贈譚微之

游史君諸子歌

北歸至廣州寄惠州故人

第二卷

近體詩

南遷

渡沔

武陵道中

片云云云

長沙道中

鴨步

次泊頭

到羅浮始識秧馬

初到惠州

謝人送酒

水東感懷

登栖禪山

收景初書

九日懷舍弟

收家書

贈何邦直

除夕

入日

栖禪暮歸

白鷺

六言二首

有所歎二首

舍弟書約今秋到此

跋道德經

夜坐懷舍弟

送外甥之廣州

九日獨酌

始寒

復暄

送客至五羊二首

送故人循州司理

寄潮陽尉鄭太玉

次鄭大玉見寄韻

舡居

喜雨

舍弟既到有作

收景初貶所書

次勾景山見寄韻

示舍弟端孺

寒甚寄鄭潮陽

即事 三首

遣興 二首

送舍弟幹事廣州

春日謫居書事

寄任景初與舍弟

權舟遊西溪

有感示舍弟端孺外甥郭聖俞

遊悟性寺

其先之集也

舜祠

臘嶺戲書

長沙竹筍

第三卷

近體

雜詩 二十首

閑居 二首

調勾景山

遣興 二首

甲午元日

春歸

春日五言二首

春日七言二首

鄭太玉送子魚

兒曹送窮

唁鄭二

驟雨

江漲

代書寄鄭二

八月十五夜月

有感

立冬後作

二八先生集卷一

五

詩式

調端孺

東鄰二首

謾成

聞鄭二對吏五羊

東麓

西溪

野望

獨遊

醉眠

贈故游茂先子振

憫雨

贈博士承議

次張天覺見贈韻

遊颶士臺

天覺和韻

江陵逢故人宋德粹

別颶厚居正二宗兄

和天覺立春日示詩

宜都逢李六

舟中

北嶽

何執中挽詩

片之五卷一

王元隱挽詩

悼楊隱之承事

題覽勝閣後破佛

將赴闕有感示聃

次韻強幼安冬日旅舍

次韻幼安留別

第四卷

論

名治論

存舊論

辨同論

禍福論

辨蜀論

正友論

察言論

憫俗論

議賞論

第五卷

記

遊越王臺記

卓錫泉記

游湯泉記

唐先生集卷六

佛迹記

寄傲齋記

鬪茶記

射象記

李氏山園記

水東廟記

易庵記

書大鑒碑陰記

第六卷

傳

資政韓公家傳

陸誥傳

贊

羅浮二賢贊并序

張曲江畫像贊并序

銘

益橋銘

史南壽墓銘

亡兄墓銘

船娘銘

黎氏權厝銘

第七卷

乃先子集目錄

三國雜事上

八

第八卷

三國雜事下

第九卷

雜文

惠州謝復官表

上張觀文手書

荅合守程元老手書

上張觀文所業序

書張自強所編寅申錄

祠三使者說

香林疏

書三謝詩後

生日設醮文

生日青詞

焚黃祭文

祭家氏文

代內醮文

第十卷

墓誌銘

淮陰賢婦墓誌銘

徐夫人墓誌

夏正長曆一

史子深墓誌銘

史夫人墓誌

唐先生行狀

史夫人行狀

贊

先君真贊 并序

又次齋銘

硯銘

有翠亭銘 附謝兩文

第十一卷

古體

惜梅賦

平臺賦

歸歎賦

陌上桑曲

白頭吟

結客少年場

五雜俎

公無渡河

明妃曲

舞馬行并序

風樹吟

月先生集目錄

戲題醉仙崖

古生

走筆贈仙姑

醉後怒筆

雲南老人行

憶昔行

午起行

張求

擊劍歌

黎城酒

題崔令曲海後

晝寢 効魯直

城上怨

別句永叔

春日雜言 二首

覽鏡

客至

寄題張志行醉峯亭

聞東坡貶惠州

寄郭潜夫

病鶴行

第十二卷

唐詩卷之六十一

古體

寄郭虞卿

題溫泉觀

題洪川驛

食笋行

題史邦直郊居

櫻花

送王觀復交代

戲贈王推官誠中

送趙元思司法

送扈大夫端叟

到任後寄家兄

送鄉人下第歸鄉

送趙安道下第歸鄉

代先狀寄孫熙叔

郡人獻筭

友人還鄉有感

哀賢

讀邸報

訊囚

程史君生辰歌

第十三卷

古體

寄杜蓬州

中秋遇雨感懷呈世澤彥直

通判蘇君俞見和復次韻

喜雨呈趙世澤

謝蓬州杜史君

嘲陸羽

代內

荅

戊子大水二首

除鳳州教授有感

登越王樓 已下綿州舊作

芙蓉溪歌

富樂山

遊治平院

遊天池院

遊雪峯院

登越王樓二十二韻

六一堂 并序

蘇時中惠茶

天馬歌贈朱庭玉

受代呈譚勉公謝與權

與舍弟飲 二首

受代還眉

赴闕

劍州道中作

武興謠

會飲效八仙體

古風贈謝與權行

程義父挽詩

第十四卷

近體

贈譚勉翁

次譚勉翁韻懷朱庭玉

峽路十韻

清明日示弟姪

赴益昌六言二章

上益昌守李大夫

上漕使

石漕生日

翟提倉生日

家提倉生日

錢憲生日

張嘉父生日

方允泰集一錄

送宋衮且赴任浙憲

送趙世澤供奉

遊仙雲宮

直舍書懷二首

書鄭撫幹詩卷後

哀詞二章

籌筆鋪

獲蠻賊代主簿賀張安撫

書齋即事

題所居

夜坐感懷

述懷

秋夕書懷

過湖縣

過田橫墓 二首

過潼關

題瀘川縣樓 六言

蘇通判愚齋

題春歸亭

和程大夫荔枝

雪意 二首

閨怨

卷之三 目錄

俞和叔座上賦白鹿

懷家山 二首

晚春寄友人 二首

春日雜興 七首

張祖同挽詞

任太君挽詞

送太學李生歸鄉

送蘇教授赴闕

別閩中許秀才

送朱元素歸養

上瀘倅立明善 二首

調華陽尉

天寧節口號

書新堂

自笑二絕

除夕感懷

題金牛驛二絕

春日郊外

嘉陵江上作

自笑

和勉翁韻

直舍夜坐

卷十五

一六

上張安撫

春日

任滿未聞除代

次勉翁送客韻

宿審田鋪附三陳書巖

第十五卷

記

重修思政堂記

愚齋記

陳子美竹軒記

箕踞軒記

顏魯公祠堂記
新修勅書樓記

書

上蔡司空書

上鄧左丞書

上席侍郎書

上監司書

上憲使書

上翟提舉書

上俞漕書

上監司書

房先正集一錄

答陳聖從書

第十六卷

表

賀天寧節表

謝曆日表代

賀立皇后表代

賀降皇子表代

謝到任表代

賀進築表代

同前代

慰國郵表代

第十七卷

啓

謝蔡太師啟代

賀鄭太宰啟代

賀劉少宰啟代

賀韓相公啟代

賀門下李相公啟代

賀蔣樞密啟

賀安諫議啟

賀馬學士啟

賀楊運判啟

唐先三集目錄

十八

賀楊提刑啟

賀新提舉啟代

賀王安撫啟代

賀侍其鈐轄再任啟代

賀王安撫啟代

賀王尚書啟代

謝兩府啟代

謝楊提刑啟代

謝許提刑啟代

謝監司舉辟啟

謝翟大夫啟

謝吉文州啓代

荅吉文州啓代

到任謝兩府啓代

謝家提舉啓

謝陳史君啓

荅解元謝啓

謝及弟啓

荅趙通判啓

第十八卷

雜文

送苗師顏序

夏心一集一

一

上錢憲雜文序

李生方書序

送王觀復序

鄭默字序

上任德翁序

招隱辭

書宋尚書集後

讀巢元脩傳

諭幽燕檄

誠諭諸路常平司恤民

忌庵記跋尾

第十九卷

雜文

自說

名小子說

客至說

失茶具說

異箴

直箴

雜說

皇太后服藥齋僧文

謝雨文

厚先集目錄

一一

非

祈晴文

謝晴文

送湫文

辭廟祝文

祭諸廟祝文

祭祖墳文

祭宋承之文

祭程公儀文

祭陳戶部文

祭孔明文

南行祭江瀆文

代程信孺祭新婦文
代路次祭文



第二十卷
策題

眉山唐先生文集目錄

唐先生文集目錄

二二

唐先生文集卷第一

賦

南征賦

始攝提之孟冬余負罪而南馳雪盈尺而更繁風三日而猶吹體凍極而若無心怖甚而忘悲凡再信而至許覺驚魂之稍歸訪景福之遺基指空郊之荒樂曾未忝之無有矧藥梁之丹牖國已挹於三馬臣不聞於一鶚豈當世之無儒抑此病之難藥道昆陽而流歎澹悲風與愁雲階一夫之僭竊紛萬鬼之煩冤嗟世祖之論功忘王章之曩言既直鈞之不食終曲突之無恩過叔子之舊邦登峴山而痛哭方關右之

唐先生文集卷第一

一

程仲實

放賈蓋眼中之拔鏃獨何心而表留卒養癰而潰肉儻遺靈之猶在當舉白而相沃盡荆門之桀確瞰蜀江之湯湯念故人之久別覺良晤之甘香稍回翔於澧浦忽凌亂於瀟湘時廓舒而浩蕩復收斂而淒涼味九歌之餘哀閔三閭之孤趣豈公子之足怨實舉國而無與內不憚於女顏外見非於漁父持此道以奚歸亦各安於所處自是遠矣行人漸稀水愈激而愈清山益削刻一作而益竒造郴嶺之窮處云湟關之故基客至此兮返顧鴈至此兮北飛眷武溪之毒淫弔文淵之矍鑠射參狼於隴阪觀跼於浪泊奮身出於萬死騰口喧於百惡信老子之足哀覺少游之

差樂經韶陽而再宿寫石上之遺聲悟聖神之在宥
如天地之生成彼禽魚固自有理而日月未嘗不明
雖吹萬之不同吾得一而皆正捨真陽之短策放清
遠之孤舟覩碧落之靈祕朝峽山之媚柔承懸崖之
滴乳攀梟岸之垂樛探羊城於浩茫發蒲澗於深幽
窮一時之詭觀渺萬古之清愁蓋明年之正月矣始
稅駕於羅浮

省愆賦

唐子謫居嶺表既已半載杜門時省愆而慨曰身邪
心邪孰陷吾於罪乎吾將求之身則身非我有四大
所會地水火風誰爲之宰吾將求之心則心不在內

唐子謫居嶺表

二

省愆賦

復不在外不在中間是將安在晝夜以思寢食皆廢
骨爲之出髮爲之改夢有告余曰甚哉子之蔽也罪
性本空念念滅壞及復尋繹祇益咎悔道逢臭腐何
足眄睠玩味不已適足自穢淨是妄而况垢穀猶無
而矧裨譬之身體本自安泰或作病想便若嬰瘵識
此病之誰受尚何施於砭艾譬之手足伸縮無礙忽
作縛想舉動輒絀悟此縛之無實即無繩而可解方
聳聽於妙語失胷中之結塊若春動而冰圻若秋至
而葉敗回視無始以來幾千萬世所作罪業悉消散
而崩潰矣豈獨今之所以流落顛沛者哉覺而思之
曰噫此殆維摩詰也攬衣而起正冠束帶稽首西望

作禮而退

古體詩

內前行

內前車馬撥不開文德殿下宣麻回紫微侍郎拜右
相中使押赴文昌臺旄頭昨夜光照牖是夕收芒如
禿帚明日化為甘雨來宅家喚作調元手右相視事
明日始得
雨上喜甚書商
霖一尺字賜之周公禮樂未要作致身姚宋也不惡
向來兩翁當國年民間斗米纔四錢

長沙示甥郭聖俞

我昔官閩中子時趨長安相過日夜飲肯使笑語乾
但知醒復醉誰問甜與酸攬衣步中庭仰首羨飛翰

唐七
卷六

三

在仲實

誓言早歸休慎勿貪高官時未有添丁眼前惟木蘭
舅甥一分背日月雙跳丸那知十年外相見西江干
拜起未寒溫悲來各沈瀾我鬢已禿翁子顏非溼丹
相從海上去茲事人所難陂行白泚泚山宿青攢攢
人煙小歲後草木深冬完昨日次長沙扁舟掠湘灘
中流遭惡風滿衣潑鷲湍舡如旗尾點天作車輪團
怖畏目敢側禱祈指頻彈嚮非鬼神助幾作蛟龍食
忠信時可憑聖賢豈吾謾勿畏嶠南熱我清物自寒
勿憂海邦陋心廣身亦寬磨刀斫鯨鱸隱几看鵬搏
努力近藥物明年理歸鞍得之兩鴻鵠龜筒不須鑽

張曲江鐵像詩

像在韶州韶人相傳
明皇悔時所鑄云

開元太平久錯處非一拍就令乏賢人何至相仙客
直道旣彫喪曲江遂踈斥汲黯困後薪賈生罷前席
金鑑東高閣鐵胎空數尺妙處難形容英表良髣髴
摩挲許國姿尚想立朝色同時反弃置異代長歎息

湖上

佳月明作哲好風聖之清湖邊得二友夜語投三更
煙露兩相濕水天參牙明散衣芭蕉涼曳杖枕榔輕
星走拋餘光山空蒼虛聲歸矣不可留過幽恐神驚

雙榕

水東雙榕間有叟時出遊清風衣履古白雪鬚髯虬
吟哦明月夕籟弄寒江秋鷺傳里中兒不泊岸下舟

君看鬼趣中有此風味不安知非黃石但恨無留侯
此生鋤犁手誤入簪紳流無功抵毫髮負罪平山丘
政尔求澡濯聞之歎綢繆樞衣儻可親跪履安敢羞
得聞半偈語一解終身憂性不喜伐國兵書非所求

大熟行

去年大雪埋尺箠水北荔枝遭凍死共嗔北客帶寒
來我欲分踈誰受理今年諸峒十分熟東江不下龍
川米南翁北客兩欣然孰與忍飢食荔子

蚤兒歌

瀘南二子天一邊思之不見今三年阮咸已老得遙
集白髮自媿還欣然未看顱骨并頰顴啼中已有過

秦篇諸田何得賤庶孽會斬莊賈推強燕

蜜果

臣聞失旦鷄已曉猶強鳴書生坐口窮抵死輸血誠
嶺南貢蜜果海道趨彤庭黃蜂樂受職紫鳳助揚舲
忠勤雖云至思慮良未精由來瘴癘鄉不識霜雪清
土風不待講氣象昏如醒秔稻秔稻熟水泉水泉腥
而况野果實豈足奉聖明未論體性殊已覺面目生
食之儻有補勞者甘如於一作錫政恐無裨益所出非
和平上林寧少此下箸安可輕軒轅嘗百毒上古雜
神靈武王嗜鮑魚幾諫仗老成菊蕘復何有葵藿但
自傾

唐先生集卷六

五

崔仲實

圓蛤

黃犢鳴水中相顧皆愕然探之亡所得有蛙僅如錢
持問旁舍翁云此號圓蛤夏潦漲溝渠喧呼自酬答
卒然聞其聲謂當可專車既見一拊掌寸莛量有餘
物生元氣中小大各異趣蛙質黃牛鳴持此欲誰附
我居固已陋尔鳴良亦村綿蠻轉黃鸝我今思故園

白小

二年遵海濱開眼即浩渺謂當飽長鯨餬口但白小
百尾不滿釜烹煮等芹蓼咀嚼何所得鱗鬣空紛擾
向來若魚戲海面橫孤嶠唼喙噴飛沫白雨散晴曉
終然不省錄從事此微眇短長本相形南北無定表

泰山不爲多毫末夫豈少詞雄兩月讀理足三語妙
人生一漚發誰作千歲調安能蹲會稽坐待暮年釣

瘥疾寄示聖俞

體中初微溫末勢如湯鑊忽然毛髮起冷撼如振鐸
良久交戰罷項背如釋縛尚覺頭涔涔眉額如鑿鑿
空日一寒暑有準如契約伏枕兩晦朔枵然如空橐
平生十圍腹病起如飢鶴衰髮本無幾脫去如秋籜
到今僅能步出沒如尺蠖舊聞五嶺法有此萬戶瘥
而我自僑寓了不蒙闊略况子又持養何至亦例着
此身自空虛客疾安所託請作如是觀無病亦無藥

示蠶

唐文公集卷一

六

卷一

先君捐館年六十疇三筭我今四十三始得幼子蠶
餘齡繼前躅蠶也纒及冠况復未可知孝章積憂歎
祿養豈不欲茲事覺已緩但愛眉目秀體質淨如盥
顧瞻既精神懷抱亦氣岸今者新剔髮瑩若珠未貫
見之令人清面擁疲手腕輒然攬吾鬚霜雪落几案
豈惟不肯嗔更付一笑粲骨肉今遠矣恃汝尉奔竄
行當從諸兄誦書喧里閤而我於經術粗能分句斷
發蒙要師資心孔爲開鑿許慎專偏傍張華休史漢
吾家業儒之捨此無別段不應緣一噓便欲廢炊爨
及親三釜足未用萬戶鄰人生百年期我今持未半

夢泉并序

潮陽尉鄭太玉夢至泉側飲之甚甘明日得之東山
上作夢泉記示余命作詩

入道肯着相出神得佳泉起尋定中境謾意山之巔
四人蹋翫數里聞潺湲循聲到巉絕蒲葦流甘鮮
雖深石可數太察魚難筮分爲縞練去濺作珠璣圓
一窺宿醒解三嚙沉痾痊恍惚尚疑夢歡呼欲成顛
山間短於井海飲鹹生涎那知道在邇幾作野遺賢
事故由人與物爲知己妍誰陪濠上游諒携室中天
雖無十丈花中有一滴禪名酒覺殊勝宜茶定常煎
蘭亭羽觴冷魚復青筒連新文來遠矣開卷猶溲然
徑欲抱琴去臨流聽天全不但受以耳庶幾神者先

厚之二十六元

一

卷中

寫爲夢泉操第入樂府篇將前輒復却萬事付有緣

四人蹋翫數退之記夢詩數
里聞潺湲永叔醉翁亭記

鳴鵲行

簷間群鵲鳴相呼法當有客或遠書吾今何處得書
尺而况賓客乘軒車平生眼中抹泥塗况愛了不分
賢愚卒爲所賣罪滿軀放逐南越烹蟾蜍百口寄食
西南隅三年莫知安穩無家書已自不可必更望故
人雙鯉魚故人頃來絕能踈况復萬嶺千江湖鷄肋
曾是安拳餘至今畏客如於菟豈惟避謗謝還往此
日誰肯窺吾廬杜門却掃也不惡何但忘客兼忘吾
喧喧鳴鵲汝過矣曷不往噪權門朱

採藥行贈梅蟠

順途行歌醉者誰先生採藥山中歸昨日携籃入山
去今日出山香蒲路先生年來飯黃精俗眼但白髮
但青得失乘除適相補勿取讒人異豺虎

鍾潭行

君不見惠州城之西永福古寺鍾岨竒夜輒亡去黎
明歸萍沙摹糊水淋漓山僧初鷲父恬嬉一夕徑去
不返棲父老嗟惜僧垂洩明年夏旱江水低此鍾居
然水中坻奔走往視空城陴挽以巨纜牛百蹏牛喘
纜絕鍾不移度不可得乃去之江花開落水東馳到
今過者猶俯窺刻舟記劍真自癡不應此物猶沙泥

取水行

僕夫取水古龍塘水中木佛三肘長隨波俛仰如簸
糠並流拯之置道傍衲衣着帽僧伽裝里人觀者如
堵墻相與築室臨滄浪荷蓋荃壁辛夷梁三日屋成
小而香野草江花薦芬芳爐煙晝清一作青夜燈光乃
知實相無互鄉人人性中普照王

採藤曲效王建體

魯人酒薄邯鄲圍西河渡橋南越悲歲調紅藤百萬
計此古一作無窮時去年採藤藤已乏今年採藤藤
轉竭入山十日脫身歸新藤出土拳如蕨淇園取竹
况有年越山採藤輸不前今年輸藤拍黃犢明年輸

藤波及屋吾皇養民如養兒鑿空爲此謀者誰

冬雷行

百蟲蟄處安如家阿香夜起推雷車一時技癢不忍
俊撼動尺蠖掀龍蛇龍蛇尺蠖跼已久亦欲奮迅舒
頑麻夢中一震忽驚躍發破墻戶排泥沙泥沙已出
雷遽止錯愕欲去難藏遮蟲蛇狼狽莫知數間有伏
龍吁可嗟

贈譚微之

去年絃歌程水濱甌中生塵范史雲今年講學鵝城
裏關西孔子揚伯起昔人論士觀心期時人論士看
目皮只知黃鷄矜紫瓜不識騶虞避生草

唐先生集卷六

六

君作寶

游史君諸子歌

大游落落如長松說易妙合韋編翁肯中蘊藉入眉
宇筆下言語驅頭風小游濯濯如春柳十八書生過
秦手已將文舉呼大兒更與長源爲小友是家諸郎
都幾人傳聞一一連城玆未識龍川五袴守端似當
年萬石君

北歸至廣州寄惠州故人

陳伯修李文
輔梁昭德

歸心如躍馬奮迅不可駐別情如放猿已去猶返顧
三年孺子社數借柱史書好在五噫孫善保千金軀
舊來談天口老去盡地力萬里不相忘寄聲問眠食
唐先生文集卷第一

唐先生文集卷第二

近體詩

南遷

去去寬鄉託此蹤
鬧中無地頓衰翁
未誅綺語猶輕典
更賜羅浮有底功
蝦菜賤時皆丙穴
茅柴美處即邛筒
着鞭要及春前到
趁賦梅花庾嶺東

渡沔

鶴歸遼海悲人世
猿入巴山叫月明
惟有沙蟲今好在
往來休並水邊行

武陵道中

朝持漢使節
暮作楚囚奔
路入離騷國
江通款乃村

月三十一

一

丁未

垣墻知地濕
草木驗冬溫
寂寞桃源路
行人祇斷魂

長沙道中

古古今今路
朝朝暮暮行
橘林香颺飯
杉木翠邊程
山帶相靈慘
川含楚些清
江湖無限句
遷客要才情

鴨步

伏波江面瑩如磨
忽爾崩騰作沸渦
橫笛未終平似板
此中端有萬蛟鼉

次泊頭

何處不堪老
浮山傾蓋親
潮田無惡歲
酒國有長春
草木疑靈藥
漁樵或異人
近前端有得
丞相未宜嗔
到羅浮始識秧馬

擬向明時受一屨着鞭嘗恐老農先行藏已問吾家
舉從此馳君四十年

初到惠州

盧橘楊梅乃爾甜肯容遷謫到眉尖因行採藥非無
得取足看山未害廉辨謗若爲家一咏著書不自字
三縑老師補處吾何敢政爲宗風不敢謙

謝人送酒

世情不到海邊村載酒時來餉子雲便欲醉中藏潦
倒已將度外置紛紛細思擾擾膠膠事政坐竒竒怪
怪文喚取隣翁傳杓飲漸令安習故將軍

水東感懷

生事孤峯在流年細草頻但知其室邇誰識所存神
碑壞詩無敵堂空德有隣吾今稍效黠終日酒邊身

登栖禪山

海雨山煙撥不開眼前遶定一作盡望鄉臺如何借得
維摩手斷取西南故國來

收景初書并示藥物

乾坤心腹友江海鬢毛班藥補他鄉闕書開故一作去
國顏何時乘下澤此日仰高山會是歸耕耦由來有
賜環

九日懷舍弟

重陽陶令節單闕賈生年秋色蒼梧外衰顏紫菊前

登高知地盡引蒲覽天旋去歲京城雨菜萸對惠連

收家書

西州消息到南州骨肉無他歲有秋驥子解吟青玉
案木蘭堪戰黑山頭即時旅思春冰折昨夜燈花黍
穗抽從此歸田應坐享故山已為理菟裘

瀘人何邦直者為安溪把截將有功不賞反
得罪來惠州貧甚吾呼與飲為作此詩

楚人季布以勇顯魯國朱家用俠聞馳馬彎弓臣好
武吹毛洗垢吏深文王孫此日誰漂母卿子前時號
冠軍蒲引一盃齊物論白衣蒼狗聽浮雲吾在惠州
作酒二種

齊和者名養生主其稍勁者名
齊物論後禁主字遂去其一

厚先生集卷六

二

方棗

除夕

患難思年改龍鍾惜歲徂關河先隴遠天地小臣孤
吾道憑温酒時情付擁爐南荒足妖怪此日謾桃符

人日

人日傷心極天時觸目新殘梅詩興晚細草夢魂春
挑菜年年俗飛蓬處處身墓頤頻語及髣髴到東津

栖禪暮歸書所見二絕

雨在時時黑春歸處處青山回失小寺湖盡得孤亭
春着湖煙曠晴搖野水光草青仍過雨山紫更斜陽

白鷺

說與門前白鷺群也宜從此斷知聞諸公有意除鈎

黨甲乙推求恐到君

六言二首

幾年持鉢天外晚歲結庵海隅頭白親逢孔墨眼生

初識楊盧

孔雀墨魚
揚梅盧橘

煙合家煨老酒風腥舡過鹹魚丁米獨遺遷客峒夫
不數僑居

有所歎二首

林中宴坐老沙門豈願臨年觸垢氛正恐先生不得
飽欲今後死與斯文近逃台鼎居東洛聞道衣冠蒲
北軍須信此塗天一握人間謾說有孤雲

唐文二年六月

日

一十六

獄誰將官府到天仙是非已付漁樵判疑信難憑黨
與傳杯酌豈能通大道床頭當得酒如泉

舍弟書約今秋到此

此日方收信前時已具舟開頭今幾月軟脚定中秋
涼德為兄忝炎荒為爾憂從今西望眼應到見時休

跋道德經

鬪智饒君三十里著書還我五千言只將得一觀天
下約法劉公已太繁

夜坐懷舍弟

無雲仍露坐有月更江臯沉陸傷吾道浮生憶爾曹
扁舟應夏口此夕數秋毫不見今三載當時已二毛

送外甥之廣州

由也久從我牢之真有甥時情爲客老秋色進舟清
撥刺朝朝味鈎輶颯颯聲越臺休弔古旅鬼向來鷲

九日獨酌

登高無老伴引滿自高歌歡意天邊少重陽野外多
黃花空歲月白首尚關河他日龍山興吾今在網羅

壬辰九月二十三日始寒以詩記之

朝來怪底冷前此已重陽漸逼袴襦節稍聞灰火香
煙嵐向冬淨橘柚得霜黃嶺表雖多暑天時亦有常

十月復暄

誰會世間事即今冬後秋殘年仍御袂先日已重裘
地勢炎州今天時北客愁此生橐籥內反復任吹咻

送客之五羊二首

不到番禺久繁雄良自如江山禹貢外城郭漢兵餘
圓折明珠浦旁行異域書五羊雖足樂雙鯉未宜踈
建國今陳跡遊人合賦詩廢臺樛女後遺井鮑姑時
客去通星漢僧來自月支憑君黃木口爲致海祠碑

送故人赴循州司理

溪入尉佗宮撐舟閣復通梅花吳驛外萍實楚謠東
方策佗時執圓扉到日空天涯一杯酒取別意無窮

寄潮陽尉鄭太玉

又種羅浮一熟田江陽未得返耕廛書來似見眉間

印別後新增鬢上年下澤有車人誤矣上林無報馬
徒然去歲引叔自陳無報越巫鷄卜聞之必為問行藏若箇邊

次鄭太玉見寄韻

度外歸期未要論故山石笋自高蹲佗時名譽牛心
炙晚歲窮空犢鼻禪君有詩書并畫絕我無德爵但
年尊音塵不繼應相悉萬事而今付默存

舟居

馮誰舉此問瞿曇已築虛空作小庵維摩經虛空作

室無有是處

不但燕閑充泛宅亦堪來往當浮驂江湖有理吾將
老魚鳥無心客自慙非復雲安憂斗水床頭垂手得
清甘

厚先立本

六

丁亥

壬辰九月不雨至巳年三月穡事去矣今夕

輒復霈然喜甚卧作此詩

老去生涯白木鏡脫逢艱食更何堪春深野色憂年
惡夜半簷聲覺雨甘睡外莫聽淫活活想中已覩麥
含含明朝竹徑添幽事玉板堂頭作小參笋有玉板
長老之號

舍弟既到有作

武陵倉卒記佗時我獨南翔子北飛覩過幾多歸後
事相看仍是別時衣匪躬老矣惟心在便腹依然但
髮稀尚有苦吟三十載與君同飽蜀山薇

收景初貶所書

信斷常懷信斷憂得書還有得書愁未應宿業都相

似揔爲饒聲不肯休見說胷中養雲夢莫將皮裏貯
陽秋而翁有道知興廢不患無詞詣播州

次勾景山見寄韻

此生正坐不知天豈有條苓解引年但覺轉喉都是
諱就令搖尾有誰憐腰金已付兒曹佩心印還當我
輩傳佗日乘車來問道葦間相頌共延緣

夜聞蛩戶叩舡作長江礪欣然樂之殊覺有
起予之興因念涪上所作招漁父詞非是更
作此詩反之示舍弟端孺

當年無奈氣狂何醉檄涪翁棄短蓑晚落炎州磨歲
月欲從諸蛩丐煙波與君共作長江礪况我能爲南

唐先生集

二

方去來

海歌身世即今良可見不應老子尚婆娑

北風累日不止寒甚寄鄭朝陽

山前臘雪想紛紛風到南訛盡颯村笈回不容存酒
子床頭幾欲爨桐孫園林呼舞知衰怯窻戶奔馳覺
眩昏咫尺潮陽五袴國可能分我一襦温

即事三首

歸心急似瀧頭水華髮多於嶺上梅正是堯朝猶落
此當時湘浦亦宜哉

還家久近書難寫破屋陰晴榻屢移吾道非耶來曠
野人生樂爾復何時

案頭行掃塵隨起窺眼纔封雨又稍更力窮空沾白

餅莫將疲茶聞黃芽

遣興二首

僧寺借經便大字鄰墻喚酒及新筍三年於此得其
理一飽已還非所求

酒經自得非多學詩律傷嚴近寡恩田里歌呼無藉
在朝廷議論有司存

送舍弟幹事廣州

欲罷媿決策擬行愁索居人心早魃後旅色颺風餘
擊柝秋江夜開瓶曉霧初佗鄉仗神理瀝膽莫扶胥

春日謫居書事

四十緇成素清明綠勝紅形容千慮後門館一貧中

唐先生集卷六

白日時時別青蕪處處同此生脣舌重啼鳥莫春風

大觀四年春吾與友人任景初舍弟端孺自

蜀來京師至長安時方寒食吾三人相與戎

服遊九龍池飲酒賦詩樂甚是歲吾遷嶺表

明年景初亦謫江左忽忽數歲皆未得去寒

食無幾念念淒然作詩寄任因命舍弟同賦

居今行古任定祖底事遷延亦未歸我坐力田傷地

脉君緣搜句漏天機故都回首三寒食新歲經心兩

濕衣學道一生凡幾化不因到此始知非

乙未正月丁丑與舍弟棹小舟窮西溪至愁

絕處度不可造乃歸溪側有兩榕甚奇清陰

可庇數十榻水東老人嘗飲酒其下云

楊梅溪上柳初黃荆竹岡頭日正長獨米小舟輕似
紙一罇促席穩於床樹從坡去無人識水出山來帶
藥香應有居民解秦語為言昭代好還鄉

有感示舍弟端孺外甥郭聖俞

一出湟關五見梅愚忠幾欲伴黃能弟兄手足窮孤
竹母子肝腸泣老萊好語忽從天上落行人直向一作
海邊回此生報國無佗事力穡供輸莫待催

游廣州悟性寺寺有越王臺蓋尉佗時所築
有井甘甚號達磨井云

崎嶇走上方浩蕩取秋光臺土經樛女江天入夜郎

厚先生集卷六

九

七

華夷憑檻遠興廢引盃長泉脉來何處中含定慧香

舜祠韶州

謳歌率土性之也號泣旻天孝矣乎何惜扁舟繫韶
石憶曾萬里叫蒼梧

臘嶺戲書

嶺多亂石
過者苦之

上世有鞭能走石今人無鐸可驅山一回憑膝一移
足老盡行人未老顏

長沙竹筍聞於天下大者可十斤重食之甚
甘而不冰脾昔渡湘欲作詩未暇也今復過
之酬以此篇

地入長沙莫歎卑竹萌徑尺舊相知九重纔復金門

籍萬里先參玉版師契闊累年真負口徘徊彌月未
妨脾渭川風味那能對中有離騷九辨詞

唐先生文集卷第二

唐先生文集卷第三

近體詩

雜詩二十首

屏跡舍人巷灌園居士橋
花開不旋踵草薶復齊腰
蛤哭明朝雨鷄鳴閭夜潮
未能全獨樂鄰里互招邀

已絕經年筆仍關盡日門
身謀嗟翠羽人事歎榕根
蔬食風掀市樓居水破村
嶺南霜自薄何得鬢邊繁

便歸良不惡未去亦隨緣
戶口知無瘴謳歌覺有年
藤牋得句後桂酒抱愁邊
經術吾衰矣猶堪舉

力田

不死良難學全生或可幾
茶隨東客到藥附廣舩
歸棊倦收成敗書慵卷
是非關心無雜慮
寃夢入精微

兀坐且如此出門安所之手
香柑熟後髮脫草枯時
精力看書覺情懷舉盞知
炎州無過鴈二子在天涯

飽食爲茶地深耕覓酒材
翻泥逢暗笋汲井得飛梅
湖盡舩頭轉山窮屐齒回
田間良自苦清興亦悠哉

壯歲日千里晚途天一方
花縵聊傲世白袷亦隨

鄉團扇侵時令方書遺畫長此間吾所樂便擬卜
林塘

白日消諸妄青山對屢空著書防惡客學圃問鄰
翁織貝流肌滑仁頻入頰紅丹砂落吾手秋至任
飄蓬

多事定何補寡言聊自溫蟹黃嗔止酒車白勸加
飡濯足樓舡岸高歌抱朴村愧無臈可禦只益負
君恩

開窄良難入閑寬足見容竹根收白疊謂竹木杪
得黃封謂柳酒問學兼儒釋交游半士農行歌村落

晚落日蒲携筇

為農沙子步附保水西鄉隱几江天遠開門佛土
香時情荒徑草野色淡淨一作漁梁欲縱高秋日東
偏短作墻

舊物杯中酒新銜海上翁百非無一是顯過豈微
功引水江分碧烹丹井為紅幽居亦多事度日不
全空

小市江分破連渾水卷翻到今佛跡在千古鶴峯
尊浮嶠來何處豐湖入數村登臨有何好秋至數
消魂

已分詩驅使寧辭酒過差南烹人釣蛤北信客占
鷗年事侵膚理憂端宿肺家嚮來功業興到晚詠

餘霞

覆載宜然等寒暄乃爾殊雪曾前歲有地過此邦
無煮海鯨鯢動烹山虎豹呼南來何所得詩語帶
媿隅

夜語不覺久晨興良獨難加之得知酒晚矣恰朝
殮筍蕨春生箸魚蝦海入盤南方禁太飽茗椀直
須寬

海氣東南上野煙申酉間草平連別峒雨轉入侗
山道路魚鹽去樵蘇竹木還西江并北客相對各
蒼顏

水過魚村濕沙寬牧地平片雲明外暗斜日雨邊

厚元正卷六十一

三

五十一

晴山轉秋光曲川長暝色橫瘴鄉人自樂耕釣各
浮生

浪迹蒼梧外放懷黃木東人情雙鬢雪天色屢頭
風國計中宵切家書隔歲通爲儒得愁思一笑賴
兒童

萬里非吾土三年失我常只愁爲跼跼敢作鶴昂
昂白竹連閩越黃雲入夜郎何時返棲息誰爲問
姚娘

閑居二首

未許幽人曉夢長朝朝親炷佛前香有詩爲愛表
家渴無病緣抄陸氏方身雜蠶中誰是我食除蠶

外揔隨鄉白沙翠竹門前路疑出西郊向草堂
細細敲門細細鷹老翁方曲晝眠肱魚陂舊種千
頭膾桑徑新窠十畝繒菜足尚堪分地主米餘翻
欲供鄰僧平生雅有乘桴興咫尺滄溟去未能

聞勾景山補蓋屋丞仍聞學道有得以詩
調之發萬里一笑

人言蓋屋似江湖莫對丞哉嘆負余別後耳根無
正始向來紙尾得黃初可憐鬼谷縱橫口今讀神
溪縹白書臣朔許長錢許少何當天子念公車

遣興二首

南來不覺兩秋砧覽照驚呼雪滿簪平日不堪文

方々々々々々々々

口

三三三

館冷暮年更賦武溪深敢緣三已有愠色自笑一
生能苦心安得表絲隨里閭鬪鷄走狗任浮沉
八千岐路愁何補四十光陰老亦宜此去只堪犀
首飲向來都是虎頭癡逢時有道其如命得意無
言所恨遲詩債即今渾倚閣新篇惟有莫相疑

甲午元日

非賢幸脫龍蛇歲上聖應憐蟣虱臣憶與政和同度
嶺朝來已點四年春

春歸

東風定何物所至輒蒼然小市花間合孤城柳外圓
禽聲犯寒食江色帶新年無計驅愁得還推到酒邊

春日五言二首

啼禽通夢寐芳草過比鄰暖逼花期促愁牽酒
量伸

去就慙雲鴈浮沉羨海鷗
妄心花片落豪氣柳
枝柔

春日七言二首

更與何人共寂寥竹君時引到溪橋是家大似東
郭子能使人之意也消

尚有小桃凌姹女豈無大杓飲衰翁
老來不復談
豎白醉去猶能愛淺紅

鄭太玉送子魚

便當權閣太常齋藥竈干傍手自煨酒信子魚藏
妙理坐令母蟹媿凡才刀頭定向何時得劍脊頻
將好意來老去少陵雖病肺尚堪持此薦寒醅

兒曹送窮以詩留之

世中貧富兩浮雲已着居陶比在陳就使真能去
窮鬼自量無以致錢神柳車作別非吾意竹馬論
交只汝親前此半癡今五十欲將知命付何人

鄭二鎖試五羊久而不還問之廣人云已

失解從海道歸潮矣聞之惘然唁以此詩
望君挹取哀然首爲我迂回長者車壁玉已聞歸
間道足音那復念逃虛卑微官職緣親屈既臊情

懷賴酒除政使登名似韓子十年曾不補遺餘退
復志賦哀白日之不與吾謀方至今十年其
猶初豈不登名於一科方曾不補其遺餘

驟雨

黑雲驚小市白雨沸秋江聲入家家樹涼傳颯颯
窻亂流鳴泱泱疊鼓開靡靡蘋末清風起斜陽覩
海一作邦

江漲

秋來雨似澆雨罷水如潮市政依高岸津喧救斷
橋雲陰哭鳩婦池溢走魚苗天意良難測前時旱
欲焦

代書寄鄭二

唐允文在卷下卷二

六

別後定何似此中難具陳倦增秋氣濕老怯曉煙
辛沸議今方爾歸期覺愈伸須煩三絕手時復餉
清新

八月十五夜月

應緣人望望故作出遲遲幾歲一相見浮雲寧別
時吟拚鷄臙膊玩覺兔迷離此夕登樓興非關有
所思

夜久睡覺不復能寐淒然有感

無復更殘暑夜深清欲飢葉飛魂夢數露重語音
知月色到秋苦更聲臨曉遲平生憎墨翟老去亦
悲絲

立冬後作

嚼蔗入佳境冬來幽興長瘴鄉得好語昨夜有飛
霜籬下重陽在醅中小至香西鄰蕉向熟時致一
梳黃

端孺糴米龍川得粳糯數十帳以歸作詩
調之

倒拔孤舟入瘴煙歸來百斛瀉豐年炊香未數神
江白名米釀滑偏宜佛跡泉飽去定知頻夢與醉中
何至便妨禪憑君爲比長安米看直公車牘幾千

東鄰二首

即今樂事屬墻東歲晚何曾酒盞空白蜜已輸仍

厚先生集卷之一

十一

節近紅藤未動况年豐

肯聽寒梅緩緩消笛聲夜夜到溪橋怪生不似關
山月新向城中得徵招

謾成

雲暗便窻破山寒賴屋低往還天外少早晏雨中
迷書冊開仍闔履聲東復西何嘗有所賦得句旋
安題

聞鄭二對吏五羊

舊友年來略散亡新收鄭子亦遑遑歲去暮矣無
雙鴈我所思兮在五羊獄吏事權先自貴書生蹤
跡况能狂風流人物今餘幾可忍群兒復謗傷

東麓

經旬不見小羗廬忽爾相逢喜欲呼自入秋來更
韶潤却從瘦裏帶敷腴人間信有傷心碧坐上那
無蒲眼沾可是清暉解娛客能令腸斷到愚儒

西溪

西溪霜後更沉涵溪上愁人雪半簪市散爭歸橋
納納櫓搖不進水潭潭利傾小海魚鹽集味入侬
村酒茗甘百里源流千里勢惠州城下有江南

野望

賴有澄江在專供倚杖清水裁偏岸直雲截亂山
平鞞鼓知農隙鷄豚覺歲成却緣搖落後木杪得

丁巳年十一月六日

孤城

獨遊

是日遊於獨廼情知者誰時光新舊歲節物淺深
枝鷓攬春祠敏爲窺野燒癡田園有妙理吾悔得
之遲

醉眠

山靜似太古日長如小年餘花猶可醉好鳥不妨
眠世味門常掩時光筆已便夢中頻得句拈筆又
忘筌

故游茂先大夫元祐初爲唐安守豪逸喜
賓客能劇飲譚笑蓋陳孟公之流今唐安

絃索之盛甲於兩蜀自游使君始後累遷
至秦鳳憲以卒既二十餘年而其子振旅
遊嶠南相過於惠州作此詩贈之

唐安千指錄琵琶故事猶聞蜀叟誇罇酒何人陪
北海練裙今日見西華子歸未得頻芳草我老無
成學種瓜万里相逢俱白首班荆長語夕陽斜

憫雨

老楚能令畏壘豐此身翻累越人窮至今無奈曾
孫稼幾度虛占少女風茲事會須星有好他時曾
厭雨其濛山中賴有菜糧足不向諸侯託寓公

贈博士承議

無盡

南歸遷客氣平印磊落曾中所得多白日過從唯
陸誦清宵夢想適維摩徘徊未忍捐雞肋寂寞猶
能顧雀羅好與鄉人敦薄俗莫因哺啜負岷峨

次張天覺見贈韻

別公歸去養天和見說清朝士已多裾捨登門何
處曳頂緣受記昔曾摩幾時傳說重調鼎去歲成
湯已解羅會引鑑湖爲故事要從英主乞三峨

重陽後一日從無盡泛舟游處士臺故詩

人秦龜從所居

皂河經雨水微沙舡帖臺根日未斜三逕就荒悲
白土一樽相屬對黃花已將遠眺收平楚更遣清

言到永嘉要見仙翁頭似漆請看醉後落烏紗

和韻

無盡

東湖水落露堤沙舟過湖心藻荇斜野逕小橋穿竹
巷煙村踈柳間蘆花新杭炊熟胭脂白活鯽珍於丙
穴嘉歛散肩輿乘皓月燭籠何用兩行紗

江陵逢故人宋德粹自播守罷歸南陽以詩
見貽依韻和酬

昔別方初節相逢各素秋君歸卧龍國我脫墮鳶州
霜鬢含多事塵容帶倦遊行藏端可見歲晚莫登樓
走城西別處厚居正二宗兄會居正出獨與
處厚笑語終日頗有卜鄰之興因屬買田江

厚先生集卷之三

陵作此詩

舊交零落半存亡晚歲荊州得兩唐臨別眼中無小
謝再來天外有佗楊預行後日誅茅地要近先生避
世墻會與幽人數晨夕何能結客少年場

和觀文相公立春日示詩

閑把流年指上輪朝來七十五迴春一盃願薦喬松
壽四海方依社稷臣血氣未嫌辛菜冷顏容猶稱彩
幡新清詩小字傳觀處滿座驚呼覺有神

生還至宜都逢李六

更把餘年着酒澆莫談前事廢燈挑地緣有語封還
止印為無功鑄復銷賴是詩書能卻瘴到今魂夢亦

聞潮頭西歸去君休怪尾段無多不奈焦

舟中

去楚及梅落過夔逢麥秋既非就國者判作賈胡留
心力盤灘盡年光拗渡休移書故山友慎勿厭耨耰

北嵌

雙鬢莖莖白孤舟寸寸移北嵌方守劑南畝定何時
無處謀春酌侘村博晚炊頻年卧江海寧卹一灘遲

何執中挽詞

白壁就黃壤忘情良獨難觀生六十化比沒九遷官
筆下無時俗肯中有歲寒雅懷嗟不遂欲掛死前冠

王元隱挽詩

真先生集卷之三

雙鬢緜經老千金食客貧由來戶外履不救甑中塵
惜此凌雲手終於入幕賓何人禪家學崔篆得崔駟

悼楊隱之承事

忍能揮淚讀豐碑平昔修爲我自知一日不齋無此
理五行並下記侂時肯教靈運先成佛未信王家敢
譽兒耆舊即今零落盡鶴歸空嘆冢累累

題覽勝閣後破佛

塵侵面相黃金暗雨入眉毫白玉休此日爭看六垂
手遊人誰復小低頭

將赴闕有感示聃

老畏高門地慵便下澤車終然嬰世網難作愛吾廬

白首趨行在青袍奉起居平生誇好手到此不如疏
次韻強幼安冬日旅舍

殘歲無多日此身猶旅人客情安枕少天氣舉盃頻
桂玉黃金盡風埃白髮新異鄉梅信遠誰寄一枝春

次韻幼安留別

白頭重踏軟紅塵獨立鵷行覺異倫往事已空誰叙
舊好詩乍見且嘗新細思寂寂門羅雀猶勝累累冢
卧麟力請宮祠知意否漸謀歸老錦江濱

唐先生文集卷第三



